



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 38 DE SU 01/03/2023

OGETU: NÒMINA DE SU SEGRETÀRIU ART. 22 REGULAMENTU CUMPANGIA BARRACELLARI APROVAU CUN DELIBERATZIONI C.C. N. 20 IN DII 24/03/2022 E ART. 16 LEI REGIONALI N.25 1988 – ARRICIDA DE S' ATU.

S' annu 2023, su 01 de su mesi de Martzu a ora de is 12.45, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

### ***Nòmini e Sangunau***

Beniamino Garau  
Dessi Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
No  
Eja  
Eja  
Eja

**Presentis: 6**

**Ausentis: 1**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

**Bida** sa Lei Regionali n. 25 de su 15 de su mesi de argiolas 1988 “Organizatzioni e funtzionamentu de is Cumpangias Barracellaris”;

**Bida** sa Deliberatzioni de su C.C. n. 19 de su 24.03.2022, chi at istituìu sa Cumpangia Barracellari in Cabuderra;

**Bida** sa Deliberatzioni C.C. n. 20 in dii 24/03/2022, chi at aprovau su Regulamentu de Funtzionamentu de sa Cumpangia ;

### **Arremonaus:**

- su Decretu Sindacali n. 39 de su 04.08.2022 cun ogetu Nòmina de su Capitanu;
- sa Deliberatzioni de su C. C. n. 76 de su 27.09.2022, cun ogetu “Pigadura de atu de su Giuramentu de su Capitanu”;
- Deliberatzioni G.C. n. 203 de su 13.10.2022, cun ogetu “Individuatzioni de is cumponentis de sa Cumpangia Barracellari de su Comunu de Cabuderra chi s’est constituendi;
- s’ elencu barracellus;
- sa Deliberatzioni de su C.C. n. 7 de su 17.02.2022, cun ogetu “Costitutzioni Cumpangia Barracellari – Nòmina Cumponentis”,
- is Decretus Sindacalis de su n. 7 a su n. 25 de su 17.02.2023 pertocantis su giuramentu de cada cumponenti de sa Cumpangia barracellari;

**Cunsiderau** s’art. 16 de sa L. R. n. 25/98: “Nòmina e funtzionis de su Segretàriu” disponit: “Po sa cumpridura de is funtzionis tècnicu – amministrativas e contàbilis a sa Cumpangia barracellari ddi serbit unu segretàriu, nominau de sa Giunta Comunali apustis de una deliberatzioni de sa Cumpangia, sceberau ainturu de is cumponentis cun diploma de scola mèdia superiori”;

**Cunsiderau** s’art. 22 de su Regulamentu de sa Cumpangia Barracellari “Nòmina e funtzionis de su Segretàriu”;

### **Pigau atu ca:**

- sa Cumpangia Barracellari in sa setziada de su 23 de friàrgiu 2023 cun deliberatzioni n. 1 at sceberau cun funtzionis de Segretàriu sa Senn. Norma Cardia – cumponenti de sa cumpangia- chi tenit is rechisius cunforma a sa normativa po s’ assinnatzioni de sa funtzioni arremonada;

**Ca** bolit nominau su segretàriu de sa Cumpangia Barracellari paris cun s’atributzioni de is funtzionis cunforma a sa normativa in vigèntzia;

**Arriciu** parri a favori de regularidadi tècnica de parti de sa Responsàbili de su Servìtziu Politzia Locali;

Cun votazioni a totòmini cunforma a sa lei;

---

## DELÌBERAT

**De pigai atu** de sa desinnatzioni, cun funtzionis de Segretàriu, de sa Senn. Norma Cardia - cumponenti de sa Cumpangia Barracellari – nàscia in Casteddu su 18.02.1978, cunforma a su verbali de sa Cumpangia etotu, su n. 1 de su 23.02.2023;

**De nominai** comenti Segretàriu de sa Cumpangia Barracellari de Cabuderra sa senn. Cardia Norma;

**De trasmiti** còpia de custa deliberatzioni a sa Cumpangia Barracellari;

**De decrarai** chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

---